

東臺縣志卷之三十二 傳十三

列女 上 旌表 孝女 守貞 孝女 貞女 烈女  
孝婦 烈婦 賢婦 壽婦

清溪竹栢幽谷蘭苔風疾彌勁歲寒不凋蓋臣比

節潔士方高

聖朝曠典綽楔榮褒奇芬是懋幽光允昭風檢攸賴彤

管敬操志列女

朝旌表貞孝節烈

王氏秦潼鎮庠生田大有氏妻性賢孝年未三十而寡

撫兩子士龍狩龍至於成立皆有名逮孫曾元四世

遂以科第起家為顯宦氏苦節六十餘年壽九十七

東臺縣志

卷之三十二 旌表

一

順治十三年建坊辛氏田敬錫妾守節乾隆十一年

建坊周氏田廣運妾守節乾隆十八年建坊 泰州志

邵氏本城許仁美妻守節六十年乾隆九年建坊

吳氏富安王縉廷妻守節六十二年乾隆九年建坊

郭氏富安何如震妻守節六十餘年撫嗣子琳入郡庠

乾隆十二年建坊

武氏梁梁程錡妻乾隆十二年建坊

曹氏梁梁何朗然妻乾隆十二年建坊

顧氏何梁方祖煌妻乾隆十二年建坊

陳氏何梁劉元鳳妻夏日坐室中乳兒鄰人某突入調

之氏驚避羞忿自縊鳴于官置某於法乾隆十二年  
詳請建坊

張氏拊茶繆妻守節四十四年乾隆二十六年建坊  
子昌宗盡孝

曹氏府志梁梁練殿玉妻年十八歲奉兩代寡姑撫半  
月孤兒守節六十餘年乾隆三十三年建坊

呂氏何梁監生羅興岐妻夫歿時年十九事舅姑孝撫  
孤成立守節三十二年乾隆三十七年建坊

劉氏秦潼鎮沈涵妻于歸未一載涵歿時年二十一誓  
以身殉翁姑勸諭之曰我二人老依汝以爲命且爾

東臺縣志

卷之三十二

旌表

二

身有孕宗祀所繫婦無輕殉一日之節劉於是銜悲  
茹苦越四月生子爲梅撫以成立事翁姑無闕職守  
節三十七年乾隆四十年請 旌孫啓元啓光琴啓  
文皆有聲庠序一秉祖母劉之教也

徐氏拊茶蔡時祐妻夫歿時年二十事姑以孝撫子以  
慈守節五十一年乾隆三十八年建坊

劉氏何梁金燕詒妻夫歿時年二十七歲事翁姑撫幼  
子備嘗艱苦守節五十四年乾隆三十九年建坊

繆氏拊茶繆次玉女許字周桂桂故女往夫家守貞曾  
割股以救舅姑閱六年而歿乾隆四十六年建坊

丁氏唐壩趙澧有妻年十九守節壽八十四乾隆四十  
七年建坊

曹氏何梁楊清溪妻夫歿時年二十二歲事祖姑翁姑  
曲盡孝道守節三十九年乾隆四十八年建坊

申氏栢茶繆生資妻夫歿年二十歲翁姑先後歿治喪  
盡禮孤子朝甫八月撫之成立守節三十三年乾隆  
五十年建坊

張氏栢茶繆從心妻從心幼習舉子業與弟叢琮同攻  
苦積勞成疾張子歸未幾夫歿年十九無子遺腹生  
一女叢琮既傷兄之早世而又悲其無嗣時妻沈方

東臺縣志

卷之三十二

旌表

三

娠謂若得男則先以嗣兄已而生檜與張撫之如已  
出奉寡姑徐潔養無閒以針黹易旨甘爲女擇壻蔡  
寬能讀書而貧且孤與檜從學叢琮未冠並遊於庠  
秉母教也乾隆五十二年請 旌建坊

黃氏丁堡莊李端妻年二十二歲時偶過田畔閒同里  
人陶旭賓與其夫兄戲言黃羞忿歸自縊乾隆五十

二年題 旌

周貞女富安諸生周楷女女字如臯吳宏錦年十六未  
嫁宏錦歿守志不二乾隆五十三年建坊

劉氏栢茶符繩海繼室十九歲守節壽九十九乾隆六

十年建坊

王氏安豐貢生袁在朝妻夫歿時年二十七前妻錢氏遺一子承福五歲氏自生一女甫周歲氏以已女傭乳母而自乳承福撫育勝於已女寡姑朱老病臥床二十餘年氏供湯藥無缺守節五十二年嘉慶元年請旌建坊

趙氏栢茶徐必元妻夫歿時年二十一孝奉寡姑以紡績供甘旨守節四十年嘉慶四年建坊

唐氏栢茶繆文謨妻守節五十年嘉慶九年建坊

以上鹽法志新府志

東臺縣志

卷之三十二 旌表

四

周氏富安盧時中繼妻年二十九夫亡撫孤成立時中弟義方妻崔氏子長寅妻陳氏皆于歸未一載而寡三人同心矢志相依爲命陳無子立族子發遐爲嗣教之讀書補諸生盧爲富安大族舊有宗祠爲其先熾所建歲久將圯周獨力經營不累及族人鄉里稱之年九十餘又時中從弟遜敏妻周氏夫歿捐軀以殉時中從子長慈妻崔氏割股救母姑疾篤禱於神不藥而愈節孝貞烈萃於一門號盧家五婦周氏陳氏於嘉慶十五年建坊

陳氏新竈吳宏山妻二十六夫死撫六月孤子駿銜旣

授室乏嗣爲置妾生孫震東駿銜又亡氏率兩婦撫  
孤孫壽八十三嘉慶十六年建坊

繆氏拊茶蔡衛用妻衛川亡時年二十七嗣從子世榮  
壽七十八嘉慶十八年建坊

繆氏拊茶諸生蔡寬妻卽從心妻張氏遺腹所生女也  
女生未見父事寡母以孝聞年十九適寬閨範肅然  
踰二載夫死無子家徒四壁氏誓志自守以從子步  
蟾爲嗣茹苦勵節皆如其母嘉慶二十年建坊

陳氏本城朱延碩妻二十九夫歿守節四十三年嘉慶  
二十年建坊婢女季氏隨主母守貞一體請 旌給

東臺縣志

卷之三十二

旌表

五

榜

傅氏本城郭聖銘妻年二十七守節六十三歲歿嘉慶  
二十一年具題請 旌

高氏安豐侯祥生妻年二十九而夫亡家故貧誓志撫  
孤灌園自給姊適陳貧而寡高分食食之撫姊子如  
己子守節六十年壽八十八嘉慶二十一年題請建

坊以上  
新增

婦人無爵從夫之爵獨至於貞孝節烈則自公侯  
以至庶人之家

朝廷必概予以 旌表誠盛典也康熙六年奉

旨凡婦人三十歲以前守節至五十者照例 旌表雍

正六年奉

旨凡婦人守節十五年以上年踰四十而身故者亦照

例 旌表其所以優恤之者至矣然其間恒有壅

於上聞者如東臺一縣前後不乏其人而得膺

旌表者不及十之一餘雖年例相符而陋巷蓬藿

號寒啼饑其力無由以自達甚者且無子孫卽有

子若孫矣而微且賤又無有力者爲之聲援久則

遂泯沒焉此尤仁人君子所心惻者已明歸震川

於嘉定張貞女之事屢書不一書豈徒然哉豈徒

東臺縣志

卷之三十二 旌表

六

然哉

孝女

明

周氏梁槩人郭焯妻未笄時母病女割左脇肉療之

徐德女梁槩生員徐應舉女薛應珍妻年十四時父病

割股救之愈

繆氏拊茶繆時熙女徐起元妻未嫁時父有病女哀禱

百端割股進父病尋愈後事舅姑亦以孝稱

吳二女安豐生員吳從周女十二歲時父疾篤焚香祝

天剝股以進而瘳

以上中十場舊志

國朝

劉氏安豐庠生王言綸繼室未嫁時嘗割股救母及歸  
王事寡姑吳盡孝痛父斌憲遠宦嶺南未知歸日晝  
夜悲泣不輟遂感疾以殞

康熙中  
十場志

吳氏女名長吳嘉紳女適安豐魯志仁志仁居與嘉紳  
鄰甲辰冬嘉紳病時女有娠四月矣步歸省父中路  
躓而仆還墮其胎越十日父病劇女刲勝爲糜餉父  
一啜而愈其季父嘉紀有詩詳載藝文

蔡文蕙拊茶貢生孕琦女許字同里監生繆澣未嫁父  
以仇陷下獄罪當大辟蕙諸弟皆幼計無所之惟終

東臺縣志

卷之三十一

孝女

七

歲長齋禮斗冀緩須臾冬不御棉夏不設帳寢苦枕  
塊凡四易寒暑獄不解澣度孕琦不可活家且破遣  
媒請婚女流涕謝曰蕙惟父亡與亡耳不知其他康  
熙二十八年

聖祖南巡蕙奔赴水次上書爲父乞命詞極哀

上嗟嘆久之下所司平反父出獄女始歸澣以憂勞成疾未  
踰年卒年甫二十時稱爲再世緹縈立祠泰州南門

陳氏安豐王鳳藻妻也

鳳藻見  
篤行

幼刲股救親鳳藻歿守

節四十餘年長女適房次女適張幼俱刲股救母娶

陳氏亦刲股救翁

以上泰州志

項氏田敬錫繼室也

敬錫見仕績傳

夙嫺內則相夫以禮夫亡

年二十九歲守節三十年母疾刲股以療痛父無後

立外甥爲嗣

江左壺儀錄

王氏本城顧盛符妻守節撫孤曾刲股救其母壽八十

七歲

繆孝女枏茶職員繆紈女名蘭芳刲股救母

陳孝女名密何槩人父國謨母喪哀毀百日而死張符

驤有墓碣文

繆孝女枏茶生員繆英女適生員徐之驊事蹟闕

東臺縣志

卷之三十二 孝女

八

陳孝女何槩陳國樞女適生員金石事蹟闕

繆孝女枏茶繆達倫女名桂芳刲股救父

孫孝女何槩孫印侯女適張奇玉事蹟闕

陳孝女適枏茶生員徐武舟事蹟闕

翟孝女本城生員翟光黻女事蹟闕

以上鹽法志

莊孝女安豐莊良楠妹母病割股以進遂愈

夏孝女本城夏霖女母趙氏病危刲腕肉其兄亦同刲

腕以進母遂愈

沈孝女名留張安豐沈餘堂女年及笄未字事繼母孝

甲戌夏父病篤女日夜啼泣禱於神刲股和羹以進

父旋瘥女以刀鈍創不愈隱諱成疾以歿士人作詩

憫之以上  
新增

守貞孝女

明

張孝女名福妹左丞張麒麒見仕  
績傳孫女麒子禮從征安

南有功授廣西衛鎮撫禮子福赴京承襲道病卒於

淮上其妻亦死遺孤輝方六歲時福妹年十五憐兄

嫂偕亡誓撫孤姪以延宗嗣終身不適人事聞為建

祠祀之

楊老女安豐人年甫笄兩刲股救親終身不字里人呼

東臺縣志

卷之三十二

守貞孝女

九

為老女云

吳孝女安豐人嘉紀六世祖姑也母周年四十始生孝

女及笄母老且病女守貞不字養母終身居喪號泣

以死年三十嘉紀紀之以詩

紀孝女父安安豐人棄家為僧母亦為尼見節  
婦傳女痛母

無依亦祝髮奉母以終

王孝女安豐人父國祥為百夫長蚤歿兄仲仁應募南

征家無次丁女守貞以養寡母有議聘者輒辭日父

死兄戍母女相依為命不願嫁也年七十餘卒以上  
舊十

場志

姐姐拊茶場人不嫁養母母死以身殉其姓氏年代不

可考

採黃文  
賜詩

國朝

金氏二貞女一名照明一名照徹何梁金文樓二女也

文樓貧老無子二女守貞不字以養父母母病刲股

救之屢獲奇效親歿年皆四十許歸空門以終

康熙  
十場

志

湯孝女時堰鎮人父虎占母陳氏早逝父老弟幼矢志

不字父病刲股得愈及歿教兩弟維翰廷弼成立年

六十二

東臺縣志

卷之三十一

守貞孝女

十

繆孝女拊茶人父武城母康氏雙瞽父歿年十七痛無

兄弟矢志不嫁奉母三十餘年母死尋卒

孔孝女時堰鎮人父國珍母陳氏弟承基親老弟幼有

議婚者女輒日去父母何依誓不適人父歿出簪珥

營喪教弟成立

吳孝女鳳凰梁人父廣明歿遺幼子女念寡母弱弟無

所依誓不字人

顏孝女仇湖莊人父舜功歿後兄榮珍及嫂氏又相繼

亡遺雨姪在襁褓時女年及笄以女紅供饘粥母歿

盡喪葬禮撫兩姪成立年五十四

吳孝女馮官莊人父永年早亡弟幼家貧不忍離母勤苦奉養撫弟成人

顧孝女顧家莊人父宏毅早逝與弟文蔚同奉母繆氏終身不字

翟孝女本城人洛瞻女姜如松聘焉未嫁夫亡矢志不字孝事二親依兄嫂守貞今年六十

金孝女本城人父葦宮無子爲女擇配泣曰我得所歸二老安賴乎遂矢志養親前分司張給榜旌之日貞孝流芳

姜孝女本城人許字徽商潘連華未嫁連華死家人諷

東臺縣志

卷之三十一

守貞孝女

十一

其改嫁女日老母在前吾獨不能爲嬰兒子乎遂在室養母曹與伯兄鈿仲兄鑑友愛無閒嘉慶七年卒年七十二族人以鑑孫楠奉其祀

周孝女名桂珍楫茶人父陶璋女嘗割股救母守貞不字

徐孝女名繡山父爵魁楫茶監生曾病篤女割股療之愈父無子女矢志不字奉親以終身有司屢給榜旌之

吳孝女何梁人以父銓年邁誓不適人銓嗣子泐家事多賴女佐之獨居一樓長齋繡佛年六十餘

以上鹽法志

崔孝女父燕富安人生母亡守貞養父終身不字

房孝女本城人思齡女十九歲父歿誓不適人日勤十指上養老母下育諸弟歷二十餘年

許孝女本城人父彭舜以父無嗣矢志在室侍奉祖母及父母以針黹餘蓄置埤場一區歲入息十金捐送何梁周公祠作修葺費

金孝女本城人汝弼女以親老弟幼立志守貞父歿喪葬之費皆出女工餘資老母病篤醫藥祈禱備至今  
年四十七

李氏本城李大如女以孝事寡母陳氏守貞不字母壽

東臺縣志

卷之三十二

守貞孝女

十二

終八十二女哀痛成疾踰三載而卒

黃孝女何梁人鳳儀女母陳患腳疾艱於行步女矢志不嫁日夜侍奉不離側父母歿終身布素與寡弟婦夏氏相依爲命今年六十

張孝女何梁人同泰女年十七喪母矢志守貞撫幼弟蔚堂庶堂成立父病醫藥罔效刲股療之愈越十年父又病仍刲股復愈  
年四十七

以上  
新增

誓

子士英士英昏懦饒於財方議婚而文達夫婦相繼  
死文望者文達之弟也利其資篋士英斃之鄉人莫  
之省也明貞時年十九自髡其髮毀容飾垢衣履日  
持牘控其事於大吏寃得白遂具獄請於朝抵文望  
罪於是舉祖舅姑舅姑及士英柩祭葬如禮葺其廬  
爲比邱尼菴祀周氏木主於佛像之左惟資瘠田數  
畝以給饗殮免凍餒而已

泰州志

楊女名善貞

鹽法志揚善正

父希賢江西人女年

洪士達未嫁而士達夭善貞毀容斷髮求死時士達  
祖母老且病往諭日能生而養我不猶愈於徒死乎

東臺縣志

卷之三十一 貞女

十三

女應日吾志也遂偕往成服曲盡婦道後祖姑壽終  
乃歸依父母白辟纊以供饘粥勤勞難苦百折不回  
分司毛公徐公前後交旌之

劉孟戶部郎富安宏宇幼女許字侍御張承仁曾孫世  
睦未嫁壻得癩疾壻父孔怡辭婚女誓不改適泣日  
兩髦宛然河清可俟忍爲不淑以玷兩家門第乎在  
室守貞三十三年忽膺疾不起顧侍婢命取篋中金  
簪來插髻上端坐而逝簪蓋張氏聘物也

舊十場志

國朝

曹貞女名祥梁梁人父存中在日許字孫繼芳未嫁芳

卒女遂矢從一之志依母兄三十餘年年五十鄆郡  
徐麀壽之以詩曰已足傳千古身當五十春冠裳誰  
苦節巾幗有斯人未覲夫君面終甘處女身異哉卑  
弱質矯矯是松筠年七十餘卒張符驤爲之傳

錄

江左  
壺儀

方貞女楫茶繆日進繼室父炳郡庠生女未嫁壻亡聞  
訃卽不食恐父不諒已將自縊父慰之日任行汝志  
不强也女乃往繆氏服喪成禮誓不歸終卒於繆

徐貞女孝子九章女幼字劉百雄子南京保以痘殤女  
守貞不字歷四十七載一家孝節里人傳爲美談

以上

東臺縣志

卷之三十二

貞女

十四

泰州  
志

汪貞女富安崔德睿妻幼失怙恃養於夫家未成婚夫  
遠遊不歸家無次女汪孝事舅姑紡績以供菽水舅  
姑相繼歿竭蹶殯葬從此朝夕拜木主默祝夫歸卒  
無消息年五十九絕粒而死

吳氏雙貞女父安豐人名江字襟三長女許配仲啓昆  
未婚夫死年二十三歲矢志守貞次女許配袁承寵  
未婚夫亦死年二十與姊同志守貞事母至孝二人  
同居一室勤女紅誦佛經終身茹素未嘗有喜色今  
年臻七十弟承纘事二姊數十年敬養不衰縣令

段琦旌其門日冰雪同貞

李貞女梁梁李自安女許字張雯雯死於水父母欲奮其志絕食六日堅執不從守貞五十二年場大使張旌之日貞節可風

仇貞女何梁仇志愷女許字本城姜聯科歸姜守貞二十餘年孝事病翁縣令旌之日淑慎堅貞

曹貞女梁梁曹端甫女許字周之冕守貞四十年

曹貞女本城曹虞卿女許字潘氏子守貞三十年

房貞女本城房良輔女許字鄧琦守貞六十年

趙貞女何梁人許字錢士選守貞二十年

東臺縣志

卷之三十二

貞女

十五

曹貞女梁梁曹達五女許字顧世公守貞而終以上鹽法志

唐貞女本城唐隆先女許字鄭相里未嫁夫病瘵亡女絕粒數日父母力勸之方食有以微言諷之者女勃然曰吾雖未嫁此身已屬鄭氏恨不能相從地下耳何必多言聞者感歎而止母卒與兄嫂相依勤紡績以助家計歷五十二年臨歿謝兄嫂曰養妹之身恩義重矣全妹之志尤沒齒不忘也年六十八

朱貞女名自恒事蹟闕

周貞女何梁周向景女許字宣東會夫死矢志不嫁孝養寡姑守貞三十七年今六十七歲

王貞女何梁王自求女許字楊正未嫁夫亡矢志守貞  
今年八十一歲

顧貞女本城李光耀聘妻未婚夫亡歸於李事翁姑撫  
嗣子守貞四十七年壽七十三

李貞女南三竈李漢冲女許字王光梅未嫁光梅死女  
守貞四十餘年而歿

以上新府志

林貞女梁梁馮錦聘妻年十九未婚夫死歸馮家守貞  
四十餘年而終

劉氏本城人幼字同里夏勇未嫁勇以事遣戍女走謁  
夏母涕泣願終身侍奉母諭止之不可歷二十年勇

東臺縣志

卷之三十二

貞女

十六

歸始合昏焉

姜貞女富安舉人姜本德女許字浙江海寧人朱傳傳  
寄居伍祐場病卒時女年十九奔喪送葬仍歸父家  
守貞今已二十三年年四十二

汪貞女何梁何永初聘妻永初與父之梅一歲相繼亡  
家極貧質衣物以葬汪年十八赴其喪事寡姑以孝  
聞守貞三十五年

韓貞女何堞韓芳洲女姜德謨聘妻德謨早亡往送葬  
守貞二十年今年四十三

梅貞女許字安豐杜謙謙亡矢不適人事父母孝兄死

撫孤姪成人爲之娶婦今年八十六

姜貞女許字本城張學道年十九張亡矢志不嫁在室  
奉父母養孤姪成立今年五十一歲

王貞女富安王加祥女許字仲兆年年二十一仲亡守  
貞已三十一年

盧貞女許字本城朱東林壻亡矢志不嫁奉老母孝養  
備至今年六十四

楊貞女許字大益團姜僖僖亡卽往成服奉養邁姑撫  
育嗣子守貞十四年歿

楊貞女仇湖庄楊美鶴女許字監生朱錦堂爲繼室未

東臺縣志

卷之三十二

貞女

十七

嫁夫亡卽奔喪歸其家撫前妻子正雅成立其冢婦  
袁氏亦奔夫正蒙之喪與繼姑相依守貞云

周貞女安豐周兆蓮女許字王氏子夫死守貞年七十  
二

梅貞女安豐梅忠略女許字杜氏子夫死守貞年七十  
三

孫貞女拏茶繆以成聘妻未婚以成病故時女二十一  
歲聞訃往夫家守貞閱十八年如一日

道光五年  
建坊

錢滿兒梁梁錢碧女許字徐恩未婚恩暴卒女聞之悲  
咽廢食潛自縊死事聞表其墓

周懺女梁梁人年十六許字王興興病故女卽自縊建  
坊表之

李烈女父科諸生年十九許字楫茶繆時雍時雍卒聞  
訃卽欲從死父母勸之涕泣不食越六日縊死建坊  
表之

季宸一作登女安豐人年十六父歿痛寡母弱弟無依媒

氏至輒辭焉歲凶日辦麥飯一盂供母弟而自採草  
根爲食年十九居母喪惡少有欲犯之者女憤投繯

東臺縣志

卷之三十一 烈女

十八

死親族鳴諸官置惡少於法官表其墓曰貞烈

鄧烈女本城人許字陳七兒未嫁陳坐法臨刑曰女亦

自縊分司徐光國旌之曰綠窻正氣以上舊十場志

國朝

丁又安女楫茶場人許字繆興侯貧不能娶出家爲僧  
女聞投繯死如皋翰林史鳴臯爲之傳

王烈女名潔安豐人父北望良裔孫也家貧許字某姓  
後知爲某家人子女恚曰人各有偶吾家貧宜爲貧  
家婦何有過聽媒言以求溫飽乃重辱我以死自誓  
康熙三十一年冬民間訛言欲采宮人某姓來請昏

期女私問其弟日門外水能溺人乎弟幼無知日淺  
惟某處可溺抵夕女故作歡容乘閒縫衣裙投河死  
張符驤爲之傳

袁烈女許字楨茶繆芳芳亡自死以殉以上鹽  
法志

孝婦

明

陳氏何梁陳一儒女爲金希範妻素賢孝姑李病危夫

東臺縣志

卷之三十二 孝婦

十九

妻侍奉湯藥晝夜不離側及疾篤潛剖左胸肉和藥  
以進遂痊

陳氏何梁金日新妻年二十九矢志守節孝事翁姑姑  
鄒病氏剖股進之得愈分司旌其門子一驥妻曹氏  
性至孝年十五時曾割股救母疾及歸金姑陳病劇  
又割股療之而痊以上舊  
十場志

吳氏安豐庠生鄒萬里妻萬里同父應鄉試姑暴疾吳  
倉皇失措延醫罔效乃祝天割股和藥以進姑一服  
而痊舊泰  
州志

劉氏富安王佳登妻事舅姑孝姑病危劉剖股以進愈

楊氏富安崔廷賢妻事舅姑孝嘗割股以療疾

蔡氏拊茶戴熙妻孝事舅姑時熙以事出姑病篤蔡驚愕悲號密封股以進姑嘗之日是何藥飲之便覺氣爽遂愈後姑壽至八十餘

繆氏拊茶徐世隆妻姑蔡病危繆剝股作羹以進遂愈  
陳氏拊茶繆好文妻性賢孝好文嘗遠出姑蔡氏疾篤陳悲泣割股作羹奉姑食之而愈後守節終身以上十場

舊志

張氏葛天民妻事姑最孝姑疾篤誠禱於神願以身代竟獲痊愈

東臺縣志

卷之三十一 孝婦

二十

國朝

劉氏何梁夏瑞明妻姑久病不起醫罔效劉剝股進愈  
楊氏何梁陳鳳御妻舅名治侯垂老中風艱於飲食楊方乳子哺以糜取乳供舅後姑疾剝股療之居喪泣血數月死

陳氏本城呂必顯妻事蹟闕

曹氏梁梁生員周次瑤妻姑病祈代割臂療之

繆氏拊茶周奕鳳妻舅儲眞病篤繆方產知之亟割股以救創甚三日而死乾隆三十年事也

徐氏拊茶生員繆蒙紹妻年一十二夫亡無子孝事舅

姑夫弟緝未冠請於舅姑爲娶婦生子二成嗣爲夫  
後舅歿姑繼之徐哀毀骨立會祭姑拜不能起慟極  
而死時嘉慶三年冬也苦節凡三十六年

徐氏拊茶繆孝婦逸其夫名孝子繆閔達弟妻也

繆氏拊茶符景劉妻事蹟闕

以上新  
鹽法志

周氏拊茶繆文定妻守節三十三年曾割股以救舅

顧氏拊茶于二祿

新府志公  
慎卽二祿

繼妻事翁姑孝夫與姑皆

病劇氏割股以療姑夫聞母病愈卽霍然子四沼濱

澗泗濱妻周氏亦孝曾割股以療祖姑疾

何氏富安崔湘妻割股救姑

東臺縣志

卷之三十二

孝婦

二十一

吳氏富安崔坦妻姑疾割臂和藥以進姑恍惚若有神

護遂愈以老壽終吳自此素食終身今年八十三

崔氏富安盧長慈妻割股救姑又割股救母

唐氏拊茶繆顯祖妻年十九夫亡貧無子嗣族子爲後

孝事翁姑翁歿姑病危割股和藥一服而愈

田氏秦潼朱煥妻年十六適煥三載煥亡翁姑憐其年

少無子勸令改節氏斷髮毀容矢志不移翁病割股

救之姑病亦如之翁歿家益貧紡績養姑雖值凶荒

甘旨無缺也守節二十七年卒

以上新  
府志

黃氏古孫家莊孫銘妻幼曾割股救姑中年夫故守節

教子治家嚴肅長子喬年成辛丑進士次子大年榮年長年皆名列膠庠德大宗伯旌其門曰慈教榮登金氏本城黃耀麟妻初笄母病目瞽服藥罔效泣禱神前割臂奉母母病愈雙目復明其女字鍾瀛未嫁時金病女亦割臂療其疾先割左臂肉已落忽不見復割右而前所割者仍在遂并進之金由是得瘳既適鍾年二十八而夫歿守節今十有四年

盧氏富安崔明倫妻年二十三歲夫病囑氏曰汝性烈欲從吾地下奈吾老親及週歲子何雖吾有兄弟不能如爾孝養盍勉行之氏諾及卒氏左右舅姑不離

東臺縣志

卷之三十二

孝婦

二十二

側舅得噎症醫罔效氏割股和藥以進愈越七年氏卒

周氏梁梁沙河頭陳景毅妻姑病割左膀肉和藥得愈  
王氏何梁吳嘉會妻割股療姑

劉氏梁梁樂鶴年妻割股療姑

朱氏富安監生吳少泉妻割股救姑

顧氏鄭家莊高盛儒妻割股救姑

何氏富安庠生唐南金妻事姑孝姑疾篤氏禱於神割股以進飲之覺殊異固問之氏不能隱姑泣曰吾老矣死其分耳唐氏宗祧係汝一人何自苦爲氏亦泣

曰但得姑愈生死非所計也姑病尋愈

孫氏何槩馬正裕妻姑病割股以進愈舅縈如病復割亦愈父書升病篤氏歸視刲胸前肉煎飲之亦愈彭氏拼茶繆昌宗妻姑疾割股以進姑愈壽八十八歲烈婦

明

李氏本城生員曹棘妻性賢淑以家難不得其死惜哉夏氏何槩徐語妻適語九年子七歲語沒號哭三日夜自經於柩旁

杜氏安豐楊炯妻年二十七炯殞無子族人令再適杜

東臺縣志

卷之三十一

烈婦

二十二

號泣不絕聲數日服斬衰自縊死

曹氏名月兒適梁槩徐時登生二女一子二十七歲登歿甘心矢節子早夭撫二女又喪乃慨然嘆曰夫死兒女皆歿何用生爲嗚咽久之閉戶投繯死

以上舊十場志

苗氏梁槩苗子貴女適仲敦敦邁病謂氏曰我死汝少無子當擇佳耦嫁之爲終身計氏泣曰果至是惟有相隨地下耳未幾敦卒氏號泣仆地幾絕者數四至夜潛出自縊於西園樹下距結褵纔九十四日耳聞者悲之

張氏安豐吳允執妻婚甫逾年允執往任山海關游擊

卒於官張聞訃哀痛悲號志以身殉家人百方勸慰

悉不聽閉戶經死

以上中場志

吳氏安豐桑暘谷妻

鹽場志人

桑死時年二十六順治三

年寇亂子九級適他出倉卒聞變偕子婦李氏抱幼

孫匿草間賊搜得強之行以刃加其頸吳厲聲罵賊

殺之李見姑死大哭且罵並其子俱被害

泰州志

烈婦不詳其姓氏拊茶李家堡人也抱子與夫偕行猝

遇羣狼嗥而至夫逸去婦倉皇不知所投適一騎過

呼令亟上馬婦以爲嫌強之再三卒不可母子俱爲

東臺縣志

卷之三十二

烈婦

二十四

狼所食聞者憐之謂不愧露筋女子云

張氏何梁孫榮先妻年二十五夫歿家人欲嫁之遂自

縊死

趙氏何梁王楚徵妻哭夫致死

以上鹽場志

張氏安豐莊良楠妻楠病篤張泣曰倘有不測姑將何

依何不絕我命以延夫命因告姑曰夫死婦不能獨

生與其死於夫後毋寧死在夫前或可代夫死也姑

猶以爲一時悲痛語不甚防閑竟乘閒自經死夫夢

寐中聞神語曰汝妻以身代汝命汝不死且壽矣寤

後流汗竟體病遂愈

新府志

丁氏時堰鎮馮師元妻馮以婚事負債值歲歎無力完償謂丁曰度日維難恐死期將近爾年少家貧可他適丁泣曰債由我累倘夫命難延我豈獨活耶及夜半馮瞰妻臥潛自縊丁醒覓夫無蹤取火照之見夫已死卽亦自縊而亡

賢婦

明

李氏安豐王棟妻

棟見儒林傳

棟家貧氏鬻其衣及釵環等

以償宿逋綜理家政內外秩然值歲凶勤針黹以給饗殮夫有所需未嘗少缺而已則恒饑初棟好嬉遊

東臺縣志

卷之三十二

賢婦

二十五

喜博奕每花晨月夜酌酒煎茶氏輒引大禹惜寸陰召公不作無益之義從容諷諭夫爲感悟一意向學

王氏族譜

張氏副使張文女生時有二蛇盤互因名盤龍不輕許

人從童館識徐蕃

蕃見仕績傳

遂許字焉蕃故貧女母不

懌文令媒代備儀物致於徐乃得成禮比于歸方數日張偶失容蕃拂袖出家人再四問不言張喻意請罪翁姑力陳自悔乃釋事夫以恭教子以嚴後蕃成進士由給事中至侍郎子嵩官順天巡撫父子繼貴雙蛇夾生之應也嵩配錢氏繼高氏高爲少保穀長

孫女孝敬舅姑撫庶子如已出嵩撫順天時以儉人  
胡守中事削職留京高寢苦飯糗數年嵩歸乃已

丁氏安豐袁沔妻賢淑有識量贖鄰婦子完室撫女弟

遺孤魯守鵬成立事詳傳中見藝文

以上泰  
州志

吳氏安豐王汝成

一作  
宗

妻汝成生而天閹吳執婦道甚

恭雖終身無燕婉之私而夫婦之誼最篤年八十餘  
以處子終身

朱氏梁梁曹堂繼妻撫前妻女如已出嫁已二女粧資  
皆從薄而於前妻女獨豐堂止之日此女無親母吾  
不忍效世俗所爲也

東臺縣志

卷之三十二

賢婦

二十六

林氏梁梁徐相繼妻無子撫前妻二子恩勤倍至不啻  
已出

申氏富安郭煒妻事舅姑孝謹治家嚴整雖隆冬未嘗  
晏起夫歿教嗣子以孝弟年八十時其嘗坐之處墻  
忽傾壓失申所在家人號泣遍覓見申端坐墻中甑  
石纍纍毫無所傷家人驚喜詢故曰吾在夢中也後  
閱數年乃卒

邵氏楫茶周松繼妻其前妻繆氏生三子邵復生四子  
撫愛不分彼此其後子孫滿前夫婦母子毫無閒言

申氏楫茶光祿寺丞蔡日晉妻

日晉見  
仕績傳

事寡姑五十年

小心敬愛沒齒不倦內外稱爲至孝凡治家一稟禮法教已子孕環以嚴雖燕閒不少假借撫妾子孕琦則兼濟以恩日吾非避嫌以沽譽誠慮其畏而弗親也居恒立身嚴整不盥櫛正容體雖家人不得見自日晉卽世長齋奉佛壽七十四屬纊時呼孕環屬以善視庶弟遺命女婦治歛具不許令子若孫見之日婦人不死於男子之手其守禮如此

以上中十場舊志

國朝

韓氏崔之四妻也

之四見忠節傳

性溫恭知大義年十七歸于

崔時之四復兄仇累年在外後任兵備道赴滇南勤

東臺縣志

卷之三十一 賢婦

二十七

於王事氏獨力操持事祖姑曲盡孝道與寡姒杜情愛倍篤待其孤爾復如親出杜之夫名之一之一死於仇爾復方周歲杜篤志守節教以義方衣布茹素終身未見喜色氏愈敬禮之卒同撫遺嬰有成鄉里兩賢之

沈氏拊茶繆好直繼妻好直先娶顧遺子師旦沈撫教之與已所生師商無異庭幃之內愉愉懌懌略無閒言及師旦早逝沈復鞠其遺孤臨終猶屬子師商善視其兄子云

王氏葉希賢妻其先絳州人居富安守節四十餘年篤

燈夜績無閒寒暑教三子甚嚴雖已婚娶稍違命猶必撻之深夜遲歸屏息戶外不敢叩門老健目明燈下猶能刺繡諸子或餽粥膏火不繼出女工所積者助之季子蔭生舉于鄉年八十有司旌其門

周氏繆夢熊妻

夢熊見封蔭

生平勤儉家非素封至親族中

有以緩急來告者無不應有鄰女生而失母攜歸養

之及長擇壻以嫁後以子祚貴

贈恭人

以上中十場志

陸氏張符驤妻

符驤見儒林傳

學使舜孫女也生三月父歿祖

母向母徐極珍愛之時氏祖厯官齊越家頗華臚而

氏天性端靜無宦家習年十八歸張符驤張氏世業

東臺縣志

卷之三十二

賢婦

二十八

儒無中人產氏黽勉以養舅姑得其懽心姑嘗笑謂人曰古人云娶婦必須不若吾家者今吾反於勝吾家者得此賢婦符驤有文集氏盡質奩具爲夫刻之以行有四方賓客至則脫簪珥供具不少怠御妾下亦以恩禮稱

許氏田敬錫妻也以孝稱州學牒勘云甘旨晨昏堂上

椿萱交茂蘋蘩錡釜澗邊湘采躬親蓋實錄也

宮氏田廣運妻

廣運見仕績傳

其姑亦宮氏也以姪爲婦于歸

時姑已歿氏痛不逮事常涕泣家貧治女紅以奉翁

嚴冬十指爲皸裂翁或盛怒必跪請俟稍定方起嘗

語夫曰君祖進士君何不力繩祖武耶勸學二十年  
不懈卒成其志初廣運出繼其伯父敬錫敬錫喜曰  
汝有賢婦勵汝學且以事若翁者事吾翁也吾亦豈  
有他望焉時姑許氏亦先歿氏如敬錫所期彼此無  
間言後廣運留京師氏課子雲鶴益嚴偶從窻隙窺  
雲鶴方觀還魂記恚曰若欲爲真才子耶吾但願汝  
作假道學耳臨歿時聞夫中式呼雲鶴至枕前曰汝  
父得捷音差償我願但恐長汝驕氣也目旋瞑廣運  
終身不更娶

以上泰  
州志

尹氏安豐監生袁時授繼妻

時授見  
尚義傳

撫前妻女如已出

東臺縣志

卷之三十二

賢婦

二十九

嫁則以所有釵鈿悉與之或謂曰何不爲已女計氏  
曰是女早失母尤可憫鄉人化之至今鮮履霜之操

江氏壺  
儀錄

顧氏儀徵人許字安豐王子儻父母早卒依舅氏吳避  
兵燹慮不保意欲別配氏泣曰女自有夫生死命也  
遂北下歸於儻家儻亦幼喪兩親養於從父母氏事  
之盡孝家貧儻客馬塘數年氏勤女紅親操作以奉  
甘旨嚴冬身無完衣十指皸裂無怨言從翁病無親  
子氏與夫侍藥衣不解帶及卒哀毀備至立長子楨  
爲其孫翁之所有一任從子取去氏日生養盡反哺

之恩立後報撫孤之義他何利焉每祭哭必竟日奉從姑如從翁

周氏拊茶監生于濱妻感其姑曾割股療祖姑疾益以孝自勉嘗蓄一婢將及笄有富室以重價欲購爲妾周聞婢幼曾許李姓卽卻其聘歸之於李

高氏何槩職員呂宏遠妻宏遠曾讓弟以產縣令徐崇炯給榜日施於有政氏悉心匡助閨門雍睦娣姒間無閒言癸亥春饑乙丑丙寅水災命子俊捐賑施棺學使萬公承風旌其門曰淑善崇以上  
新增

東臺縣志

卷之三十一

壽婦

三十

壽婦

邵氏本城五舖許仁美妻守節六十年壽百歲乾隆九年建坊榜曰貞壽之門

洪氏安豐吳維垣妻撫孤守節兩給粟帛壽百歲子佩亭徐氏拊茶繆華諷妻壽百有四歲乾隆四十五年建坊楊氏何槩王自求妻守節壽九十八

潘氏富安姜之聘妻壽八十八給粟帛子日暹妻陳氏壽八十七孫琮妻劉氏壽九十

童氏安豐孫德爵妻壽八十五兩給粟帛

丁氏安豐王九露妻壽八十九給粟帛

劉氏本城庠生吳元善妻壽八十五給粟帛

李氏何梁蘇譽遙妻壽八十三給粟帛

單氏何梁朱萬有妻壽九十一

陳氏何梁黃楚城妻壽九十九給粟帛

胡氏何梁金繩武妻孝于舅姑中年守節壽九十四

丁氏富安朱芹蘭妻孝于舅姑壽九十

金氏北王莊薛季善妻孝于舅姑壽八十

周氏安豐謝仁植妻壽八十三

東臺縣志

卷之三十二

壽婦

三十一

高氏富安盧正秀妻壽八十九

謝氏安豐陳世福妻壽九十八

繆氏安豐監生施偉彭妻壽九十

吳氏富安崔平國妻壽八十二

趙氏何梁監生蘇宗符妻壽八十

顧氏何梁繆宗醇妻壽八十三

季氏安豐庠生余鼎泰妻壽九十一

程氏本城蔣奇峰妻壽八十一

萬氏本城劉耀先妻中年守節撫孤壽八十五

朱氏安豐袁承安妻壽八十五

李氏安豐莊廷英妻壽八十八

劉氏本城周書年妻壽八十六

吳氏富安楊元春妻壽八十九子孫曾元繞膝

吳氏富安崔起宏妻壽九十

黃氏本城林依姜妻壽八十九

朱氏安豐王一紹妻年八十八

王氏安豐吳祉蘭妻年九十五

賈氏安豐沈西岳妻年八十八

高氏安豐李廷弼妻年八十七

吳氏本城王鳳儀妻年八十六

東臺縣志

卷之三十二 壽婦

三十二

胡氏安豐沈鳳鳴妻年九十

妻年八十七

潘氏時堰馮其瑞妻壽八十三歲

王氏時堰馮佳秀妻壽八十八歲

韓氏時堰孫宏緒妻壽八十二歲給粟帛

蔡氏拊茶繆疏妻壽八十八歲

繆氏拊茶滸陵沈崑妻守節五十年壽九十歲給粟帛

吳氏拊茶滸陵監生顧雯 妻壽八十歲

顧氏拊茶滸陵庠生沈蓮妻壽八十二歲

繆氏拊茶滸陵監生顧東 壽八十二歲

氏拊茶滸陵顧維岳妻壽 十八歲